





1. Lutherische Martini: Sermon vom  
Sacrament der Tuffe 1518
2. ——— Sermon vom Ablass, 1518.
3. ——— außlegung der 2. gebote,
4. ——— außlegung der 1. unter außs,
5. ——— Sermon von der Bräutigam  
zum Raben, 1519.
6. ——— yndigt von der Bräi-  
gung vom Sacrament des  
abndmahlts, 1519.
7. ——— Sermon vom Sacrament  
der Tuffe, 1519.



Doctoris Martini Luther Ap-  
pellation oder beruffung an  
eyn Christlich frey Conci-  
liũ vñ dem Papst Leo  
vñnd seynem vn-  
rechtem freuel  
vorneweret  
vñnd repe-  
tirt.

Wittenberg-  
M.D.  
XX

Martinus Luther





Ihesus.

Eynem yglichñ frummē Chri-  
sten sey bekant. dz ich S. Martinus Luther vorhyn durch  
reglich beschwerung bewegt / eyn Appellation: rechtlich vnd  
ordenlich gethan / von dem Papst Leo dem zehenden an eyn  
frey Christlich Conciliū, welche lauts yres inhalts.  
folgt vnd ist die.



## Nach dem das götlich nateür

lich vñ mēschē recht zū trost vñ schutz den vordruckē erfundē  
vñ eingesetz hat Sie Appellation oder beruffung. vō dem  
vntern zū dem ōbern. Vñ keyn vnderer gewalt hat: dieselb  
zū weren / oder den oberē die hand zūpindē. Auch offenbar  
ist / wie eyn Christlich gemeyn Conciliū: sonderlich in sachen  
den Christlichē glaubē betreffend. vber den Papsst ist. Vñ  
er: vō ym an dasselb zū Appellieren keyn gewalt hat zū werē  
ob wol Julius secundus vñ Pius secundus mit yren freueln  
rollen gesezen sich desselben vorgebens vnderwundē haben.  
¶ So sag ich Martinus Luther Augustiner: Doctor der  
heyligē schrift genent zū Wittenbergk etc. für euch her Nota-  
rie. als für eynere offentlichē glaubwürdigen personen neben  
dissen gegenwertigē zeügē: willens vñ fürnemens. zū appel-  
lieren vñ beruffen. Das nach dem in vorgangenen tagē: vō  
etlichē Bepflichē (wie sy fürgabē) ablaspredigern in Sach-  
sen lender alzū vngeschickt gepredigt wart: zū vorfürig vñ  
beschädigung des armen volcks. vñ ich mit redlichem grū-  
der schriftten / ynen wyderstandē / durch eyn frey offentlich  
disputation. Da seyn sy wütendē auff mich erherzt. vñ nach  
vielē lesterungē. damitsy mich von den Cancelln offentlich  
vñ freulich eynen Ketzer aufgeruffen. Zū letzt auch für dem  
aller heyligstē in got vater Leo dem zehendē vorlagt: durch  
her Mariū de Perusis. vñ also eyn ladbrieff erlangt / mich  
gen Rom citiert: zūstellē für gericht: für her Hieronimo de  
Genutis vñ Siluester Prierias.

¶ Des ich billich beschweret. nemlich: das ich auch nit zū  
Wittenberg. viel weniger zū Rom sicher ware darzū arm  
vñ schwachs leibs: solch grosse reise nit vormocht: darzū mir  
die bestympten richter vordrechtig vñ vnleydlich warē. Sie  
weil her Syluester mein ab gesagter wydersacher: wyd mich  
auch offentlich geschribē: darzū in der heyligen schrift: diser  
sachē gantz vngeleret. Vñ her Hieronimus: als eyn Jurist  
vñ nit eyn Theologus der sachen richter nit seyn kundt.



Hab ich durch den durchleuchtigste hochgeborne hern herzog Fridrich Churfürste zu Sachsen etc. arbeytter: das die sach erhauff besolhn wurd / redlich vñ gelerten personē / habē sy widerüb brauchet yrer grobē behēdigkeyt. vñ bey Bapstlicher heyligkeit erlāget: dz die sach ist herz Thomas vō Caiera dē Cardinal S. Sixti vñ dzeit Bapstliche botschafft: in Teütschē landē besolhn. auff dz sy in dissem handelselbs richter bliebē. den dieweil der selb Cardinal yres ordens vñ vorstands der sūrnemest. wār es yn zūuormüten / er wurd wyder mich vrteylen. oder ich wurd für mich sölichem wyderpartischem richter entsetzen / aufbleybē / vngheorsam. yn die straff vnd vrteyl fallen.

Soch hab ich mich der warheyt tröstet / byn mitt grosser müe kost vñ far gen Augspurg kōmen vñ von dem Keuerē diss. Cardinal freütlich empfangen.

Aber vnangesehē dz ich mich erbot zū antworten öffentlich vnd heymlich. mich auch auff vier hohe schülen berieff: drang er mich stracks hyn zum wydspruch. wolt auch nit vrsach noch grūd anzeygnē / mich halffteyn byrten noch vnderwerffen. zūletzt drewet er mir mit eynē greülichem besplichem befelhsbrief: vñ solt nit mer für seine augē kōmen: ich thet denn eyn yderspruch / damit ich gezwungen von sölicher beschwerūg zū appellierē an dē aller heyligste vater Leo: besser vñ vndrichtē. wie den i dselbē appellatiō weyter ist vmerckē.

Tu aber söliche appellatiō sy vorachtē: vñ ich noch heütigs tags. begeremeyn yrthum mir zūbeweysen / vñ ich willig zū widerrechē were / wo ich geirret hette / des ich mich hieryn ne bezeugete. dazū ich die selb mein disputation dē Bapst vñ derworffen. noch teglich des vrteils wart: so hör ich doch / vñ dselb K. Thomas Cardinal S. Sixti schreibt zū dē durchleuchtigste herz Churfürste zu Sachsen etc. wie die obgenānten richter zū R. in fort faren in der sach. mich zūuordamnē: vnangesehē mein. crew vberflüssige gehorsam: dz ich zū Augspurg mit sölicher wie erschynen / wöllē auch nit achtē mein erbietēs. zū antwort öffentlich vñ heimlich. Ja auch vorschmehe mich arms sch. Christe zū lerē



vo dem yrtzūb: sonder stracks hyn vngesörter vñ vnbeweis-  
ter vrsach: auf lauter gewalt vñ freuel mich dringñ zum wys-  
derspruch. der rede. die ich bey meinem gewissen warhafftig  
halte/ damit symich vō dem Christlichem glaubñ vñ offent-  
licher meynung der schrift vorführen wolle.

**S**o dan des Papsst gewalt nit über noch wyß/ sonder für  
vñ vñ der schrift vñ götlicher warheit ist: vñ er nit gewalt  
hat/ die schaff Christi zu würgen/ den wolffen in den rachen  
zu werffen. dē falsche lerern zu vbergebē. son d zu d warheit zu  
leytē. als den eynē hirtē: bischoff der an gotes stat sitz: gpürt.

Sarūb ich mich beschweret vñ beleidigt befinde. dan d weiß  
nach. solts wol kōmen. dz hinfürt niemādt dürfft auch Chris-  
tū bekehren/ noch die heylige schrift offentlich lesen/ vñ müß  
also vō dem rechte warē christlichñ glaubñ/ vñ d schrift vor-  
stādē in eytel falsche. menschlich duncel vñ opinion mitt ge-  
walt vorstossen. vñ in vorsürische fabelen getrieben werden.

**S**erhalbē so appellier vñ beruff ich mich mit diser schrift  
auf einzükünftig frey sicher Cōcilium: für mich vñ für alle die  
mir anhangñ vñ zukünftig anhängen wollen/ vō dem obge-  
nantē allerheiligstē papsst Leo. disser sach nit wol bedacht vñ  
vorstedigem/ auch vō den vorgedachte richtern: vō yrem la-  
den. hēdel: vñ allem dem dz darauf erfolgt vñ erfolgē mag.  
vō allñ iren vrtelle/ sentēz/ vñ vō allē beschwerungē die mir  
vō ynen simplich oß sonderlich mügn kōmen/ als vō denen/  
die nichts: vnrecht/ freuelich: vñ vnblilich seyn. Vñ begere zu  
erstñ/ zum andñ/ zum dritten die Apostolos mir zugebē. wer-  
sy zugebñ hat: sonderlich vō eüch Notarie Testimoniales.

**V**nbedinge/ dz ich disse Appellation will auführen vñ be-  
weyßen. yr nichtigs. misp: eüchlichs. vnrechts vñ vnbillichs  
fürnemen/ wie dz auffß beste mage beschē/ mit vorbehalt  
zū meren myndern/ wandellñ/ bessern/ vñ also vorteyls/ dz  
die rechte mir/ meinen anhängern: vñ die mir noch anhangñ  
werden/ geben.

**N**u aber derselb Papsst Leo/ in seinem vnchristlichē freuel  
beharrēt/ vorhartet vñ sich meret. so fast/ dz er auch in einem



Bullen wie ich hö: sagh mich vnberüffen/vnvorhöret vnd vnüberwundē/vordampt/darzu wider got vñ sein heyligs wort vorleügnēt/fleücht vñ vörspricht als ein abtrünniger vñ vnchristlīch/die gewalt der Christlichē kirchē vñ eines freyen Cöciliums. Auch gepeüt mir den Christlichē glauben offentlichē zu leüctnen/vñ mit vngehörter gotes lösterung vñ derdruckt das heylig gottes wort.

¶ So thu ich hiemit wissen ydermā: d z ich bey meiner vorgehaner: vñ yzt gedachter Appellation noch stehe/vñ dieselb rechtlicher weisse für einem gemeinen schreiber vñ byllichen zeügn/vornewet hab/vñ hiemit für yedemā vornewere vñ vornoweret aufrüff auff vnd in crafft derselben: auch auff new: hiemit noch appellier vñ mich berüff auff eyn Christlich Cöcilii: vö dem selbē Papst Leo: Zum erstē als vö eynem freuelen gewalt vormessenem vnrechtē richter/in dem. dz er mich vnüberwundē vñ vnangezeygtes grüds ob bericht vorurteyllet. Zu andern/ als vö eynem vorstocktē yrigē/in aller schrift vordampten ketzer vñ abtrünniger/in dem. das er mir gepeüt den Christlichē glaubē in den sacramentē vorleügnen. Zum drittē/ als vö eynem seynd/widersacher/vñ derdrucker der heyligē schrift/in dem: dz er seyn eygn blossē wort gegē alle götlich wort offentlich vñ vnuorschampt setze. Zum vierdē: als vö eynem vorachter: lesterer vñ schmeher der heyligē Christlichē kirchē vñ eines freyen Cöcilij. in dem: dz er für gibt vñ leüge/mit seynen vnchristlichē forfarē. Pio 2. vñ Julio. 2. ein Christlich Cöcilii sey nichts. so er wol weiß: dz wiewol es noch nit vorsamlet ist: so seyn doch die fürhandē die in eyn Cöcilii gehö: dz ist die Christlich gemeine. gleich wie d dz Römisch reich. oder einer yglichē stat. radt: darüb mit solnichts heysen/ ob die fürstē vñ herzn. so dreyn gehö: mit vorsamlet seyn. Mit disen vñ andern allen stucken vnd fürnemen ich mich für zukömen vnd zubeweysen/ hiemit offentlich erbyete.

¶ Mit der salben diemütiglich die alledurchleüchtigsten/ durchleüchtigste hochgebornē/ wolgepouen/ edlen geyre



gen weysen fürstlichē Herrn Carolum Römischen Keyser/  
Churfürstē/ Fürstē: Grauen: Herren: Ritter: Adel: Radte:  
Stete vñ gemeine: gātzē deutscher Nation: woltē zur redtūg  
gōtlicher ere vñ schutz Christlicher Kirchē/ leer vñ glaubens  
auch erhaltūg freyer sicher Cōcilia mit vñ meiner Appella  
tion anhangen. des Papssts vnchristlich fürnemen mit mir  
abfallen widerstehen/ vñ seynem gewaltigem fräuel nit fol  
gen. oder doch stille stehen/ vñ der selben vnchristlichē Bul  
len nit folge thūn: so lang/ byf ich vñ meyne sach. redlich be  
rūffen/ vñ durch vnuordentliche richter vorhöret/ mit gründ  
licher schrift wyder legt werde. Das wirt on zweyffel Chri  
stus vnser Herr der rechte richter eynem yglichen an seynem  
letzten gericht mit ewyger gnaden reichlich bezalen.

So aber yemand solchemeyne bit vorachten/ fortfarē/  
dem Papsst folgen wurd. will ich hie mit mich entschuldigt/  
vñ sein gewyssen. durch solch meyn treulich gethane warnūg  
brüderlich zūuor ersūcht/ beschweret haben. vñ dem Jungste  
gericht gottes. vber yn: Papsst vñ allem Papsstlichem hauf  
sen/raum lassen.

Maledicent illi/  
Et tu benedices.  
Ps. 80  
Verum est.



Faint, illegible text, likely bleed-through from the reverse side of the page.

Colophon  
1514  
1514  
1514





76 L 1079

*nach rechts  
verbunden*

ULB Halle 3  
004 186 095



*TA-OC*

*Ac 17.*


*1.*











26  
Doctoris Martini Luther Ap-  
pellation oder berüffung an  
eyn Christlich frey Conci-  
liū vō dem Papst Leo  
vnd seynem vn-  
rechtem freuel  
vorneweret  
vnd repe-  
tirt.

Wittenberg-  
M.D.  
XX

Martinus Luther